

第一二五冊

方輿彙編

職方典

太平府部

廬州府部

鳳陽府部

(卷)

八五—八二六

八七—八二六

八七

古今圖書集成

中華書局影印



古本圖書集成

古今圖書集成

卷一百一十五

欽定古今圖書集成方輿彙編職方典

第八百十五卷目錄

太平府部彙考五

太平府兵制考

太平府物產考

太平府古蹟考 陵墓附

職方典第八百十五卷

太平府部彙考五

太平府兵制考

本府

府志

整飭池太兵備道一員以按察司副使領之康熙三年併安慶一府入池太道駐池州康熙六年間以兼領關樞事仍駐蕪湖隨奉裁省

建陽衛 守備一員千總四員駐郡城專司漕屯不與城守

蕪采營 遊擊一員中軍守備一員把總二員經制馬步戰守兵丁四百五十名

總督部院標下遊兵營 把總一員防守江汛駐當塗采石鎮

分防各汛

蕪采營 中軍守備一員統領馬步戰守兵丁駐郡城

城內防兵五十五名

分防

場橋 烏溪 葛家渡

王家潭 多福 大小花津

陶墅村 釜山 新市

丹陽 博望 長流嘴

沙埂鎮 鄉庵 唐溝 黃池

湖陽 以上諸汛共防兵一百三十八名

采石汛 防兵十名

橫山汛 防兵十名

新開眼汛 防兵十名

演武場 在北關外

蕪采營 遊擊一員把總一員統領步戰戰守兵丁駐城內分防

清水河 七里窰 落篷灣 以上諸汛共防兵一百五十五名除事故兵丁在外

演武場 在東關外

蕪采營 把總一員統領馬步戰守兵丁駐城內防守計防兵三十名

演武場 在東關外演武廳一所康熙六年知縣郭衛城建旗鼓臺一座

太平府物產考

府志

穀屬

秬稻

黑稻

蕎麥

黑豆

蠶豆

蔬屬

芥

蒿苳

瓢兒

百花頭

薤

果屬

梅

李

櫻桃

枇杷

栗

葡萄

藕

木屬

柏

楊

桐

樗

橡

晚稻

大麥

黃豆

菜豆

赤小豆

芹

油薹

烏菘

雞頭

蕨

杏

石榴

林檎

梧桐子

橙

菱

榆

桑

槐

楓

櫟

冬青

糯稻

小麥

青豆

豌豆

白小豆

莧

苦蕒

竹筴

蓴

桃

銀杏

棗

梨

橘

芡

柳

柘

椿

棟

冬青

車馬著赤衣幘其夜夢人謂曰與君幽明道別何意相照

桓公井 在白苧山晉桓溫鑿

掛袍石 在白苧山西晉桓溫率賓僚燕飲醉後掛袍於上

誓清堂 在黃山祖逖渡江擊楫誓師於此宋嘉熙己亥吳淵重建淳祐丙午陳塏修葺以米芾所書極目亭三字易之

賞詠亭 在采石驛前晉謝尚鎮采石月夜泛舟聞別艇詠詩邀與談論達旦知爲袁宏薦於朝後人作亭志之今廢

謝公城 謝尚鎮采石築城轉水塘其旁有鐸角橋

朱凌猷臺 在黃山有石如案高可五尺頂平而圓世傳卽宋孝武帝避暑處

齊謝朓宅 在青山之椒卽今保和庵

謝公井 在青山保和庵前今名謝公池

陶弘景書堂 丹竈 俱在橫山爲陶弘景煉

丹處卽丹竈寒烟及五井也環天碧嶂雲物最奇

梁望江樓 在慈湖慈姥山江許俗傳昭明太子讀書處

唐十詠亭 在府城東李白有姑孰十詠因以名亭

李白宅 在青山之麓白至姑孰依塗令族人

李陽冰見茲山幽邃營宅以居

謫仙樓 卽太白祠始基於唐復建於明

皇清順治中被焚知府胡季瀛推官許巖光知縣葛

元福命僧募衆重建規模較前弘麗樓下蕭雲從畫壁四樓後原有清風亭卽其地建殿肖太白像祀之

白像祀之

捉月亭 卽暮雲亭陳塏修元廢相傳太白泛舟醉狂從水中捉月故名

暮雲亭 在采石鎮唐賢坊神霄宮內因元廢

捉月故新建此乃藏李白宮錦處

周惟長宅 在橫山

王居巖宅 在青山

宋潘閔宅 卽今郡學基

采石石塔二座 一在采石河北樊若水命僧

建繫纜以造浮梁者一在古唐岡胡白虎建

郭祥正宅 在東街二條巷壽俊坊

陳規宅 在東街成賢坊規官少師與劉琦極

力破敵因名其所居里成賢

羅彥輔宅 在西長街

李左司宅 在薛店市

孟公亭 在官圩東岸宋知州孟知縉投身救

水水爲之却故祀之

元張鑑宅 在東街有孝蓮池元郡守董章表

其間曰孝感

遇龍亭 在采石磨盤山昔朱化隆遇明高帝

於此高帝問其名對曰化隆喜音與化龍相似

大爲嘉賞後人作亭以志今廢

陶安宅 在東街昭文坊

范常宅 在府學南忠節坊宅中古柏銅質苔

斑有千霄攫雲之勢今尚存

雙桂堂 在都城東街爲李習李翼建

柏山亭 在府內後堂北明洪武間命皇太子

展鳳陵因至太平府訪渡江遺跡存問一條巷

陳迪家卽太子所生處賜白金五十兩太子駐

柏山亭後郡守不敢居用貯儀仗

皇清順治十五年知府李之英毀亭得小匣內絨繩

一條小刀一把未幾李及於難

碧雲亭 在府子城上宋太守何昌言建後改

爲麗譙樓今廢

絳雪亭 在郡圃中按明一統志舊名杏花村

宋郡守楊倓改今名

官梅亭 在郡圃霜蕤亭南宋吳淵建元廢

駐春亭 在郡圃霜蕤亭南宋吳淵建元廢

清風亭 一在郡圃宋吳淵建元廢一在萬壽

寺西湖上明巡撫周忱移建采石翠螺山謫仙

樓後

生雲亭 在郡圃宋洪邁建元廢

照碧亭 在郡圃窈窕堂東瀕池元廢

少休亭 在郡圃與照碧亭相對瀕池元廢

霜蕤亭 在郡圃熙春臺東元廢

平遠亭 在縣圃宋吳淵建元廢

杏壇亭 在府學大成殿東宋紹興十三年郡

守鄭松年建明廢

仰高亭 在縣學南池中四面皆水爲弔橋以

通往來明洪武九年當塗令王俊建永樂十五

年知府徐敬暨教諭王振訓導洪幼捐俸重修

後廢

手詔亭 在縣門外宋趙汝勣建元廢

南州亭 在清源門外陳貴謙建即接官亭元廢

聽江亭 在南津門外宋乾道七年洪遵重建元廢

姑孰亭 在下門浮橋中李白有記或以爲即姑孰堂者非

折柳亭 在城西江口五里元廢

半山亭 在縣東景山二里明洪武八年當塗縣知縣王俊建永樂十五年知府徐敬重修

極目亭 在黃山巔與凌歊相倚宋廢扁移清誓堂

四望亭 在白亭山椒張瓌創建楊俊重修元廢

湖山烟雲亭 在縣東三里月盤山據遊觀之勝今廢遺址存

時雨亭 在月盤山祀龍神早禱輒應

月盤亭 在月盤山一名三遊

景風亭 在月盤山今廢

百花頭上亭 在尼山巔元廢基址存

談笑亭 在采石白鶴觀北山坡上郡守按閱水軍之所元廢

觀瀾亭 在縣北蛾眉亭左二十五里元廢基址存

江山好處亭 在縣北二十里蛾眉峰左今廢

蛾眉亭 在縣北二十里據牛渚陡絕之壁熙寧三年張瓌建遠眺二梁嫵如黛

擁翠亭 在藏雲寺今廢

雙蓮樓 卽下南門城樓宋乾道八年常平倉後池產雙蓮花知州胡元質建此樓以誌慶明廢

姑溪樓 在南城門上宋乾道二年吳芾建元廢

璇魁樓 在城內西街本名熙春岳珂易名慶豐馬光祖易名擢桂牟子才易茲名元廢

揮塵堂 在郡圃臨大池舊名近民吳淵重建易茲名元廢

竊深堂 在郡圃揮塵堂後吳柔勝立吳淵重修元廢

橫碧堂 在郡圃清風亭東舊名碧雲吳淵重建易茲名元廢

玉春堂 在縣治後宋趙汝勣建元廢

開見堂 在府學浴沂橋南周葵建元廢

清叟易茲名取周濂溪窻草不除日與自家意思一般之義以名也元廢

坐嘯軒 在府治後宋吳淵修久廢

黃山塔 在黃山嶽廟後建置修葺未詳

金柱塔 縣西二里金柱山縣令章嘉禎建鄧光祚竣其事初議起九級後賞不繼改七級下有端都御史犀帶一圍爲鎮基物

凌雲塔 在邑東凌雲山巔明嘉靖間建議者取爲文峰不意塔建而武益盛文運莫振議者又以塔爲戟刺之象踣之迄萬曆四十三年御史駱曾與知府何士林復建增高益丈下構厦房圍繞不數年房圯今塔存

薛家窪 明朝小史曰高帝初渡江至采石駐薛姬家饑甚坐穀龔架上問姬此何物對曰蟬

牀烹鷄爲食問曰何物對曰餼鷄飯以大麥曰仁飯帝聞之默喜蓋登基龍牀皆吉語也迨天下已定召姬賞之人傳其事爲美談而薛家窪之名遂著

南禪寺鐘 明崇禎十四年寺殿災光烈百里大鐘飛起鏗然空中者久之漁人聞其東南去也

南禪寺石鼓 唐貞觀間崔氏宅改寺吳國公尉遲公來刺迎二石鼓于石臼湖壯觀其門相傳爲石季倫家物石色輕紫玉潔一線中分徹底蓋兩石合成者亦奇物也

古柏 橫山大聖院古柏高十丈大於車輪非唐宋間物則院之從來可知矣

黃山石上詩 凌歊臺旁一巨石上有字跡年深爲風雨苔蘚所蝕莫詳何字微人鮑山潘之恆輩偶至其處反覆詳玩終莫能曉夜夢一丈人翠衣長髯向鮑云子輩朝來釋石上字耶此石吾友也宋人徐復之題詩云巨石如巨人峻立山之側古今不復知疑剖和氏璧予感子輩探索之意故來告丈人蓋石旁古松也

飲馬池 在石城山相傳熊繹飲馬之所

八角井 在石城山亦傳熊繹居此所鑿

吉祥寺古松 徐知訓圖李昇避此樹下是松在南唐已蔽人矣竟陵鍾惺亦比之燕山石松也

巢雲亭 在當塗青山白雲寺

蕪湖縣

春穀廢縣 在陶莘圩孝武時改春穀爲陽穀

安帝時併陽穀入蕪湖縣遂廢今爲普照院

晉王敦城 在今縣東敦鎮姑孰築城於此張

伯玉詩云不作忠良臣高城有何益

南豫州城 在縣東北一里金陵志云姑孰之

南淮曲之陽晉成帝咸和四年僞立豫州治蕪

湖卽此

上黨郡城 在縣西南五里晉孝武寧康二年

上黨百姓南渡卽蕪湖地僞立上黨郡及襄垣

遂適定陵三縣以處之卽此

宜春城 按輿地紀略亦在蕪湖今邑東尚名

宜春門殆晉時徙置當宣城春穀之間建爲此

城遂合兩地而名之耶姑志以備參考

于湖廢縣 晉太康中分丹陽縣之南境置邑括地志云縣東四十里有圩曰威保圩古丹陽于湖縣廢址也

淮南郡 晉成帝時百姓南渡乃於于湖僞立淮南郡卽此

七磯官窰 在縣北十五里六朝建都石頭城

嘗於此燒造城窰有窰基五座土人時掘地得

甌瓦後被民間侵占弘治間清理窰基改田四

十畝縣令張伯祥申爲學田後又被屯軍侵占

冒入南京羽林衛馬廠學田遂廢

夢日亭 在縣東北一里故王敦城上

玩鞭亭 在縣北二十里太寧二年六月王敦

將舉兵內向明帝密知之乃乘巴滇駿馬微行

至于湖陰察敦營壘而出有軍士疑帝非常人

又敦正晝寢夢日繞其城驚起曰黃髮鮮卑兒

來耶帝母荀氏燕代人帝狀類外氏鬚黃於是

使五騎物色追帝帝亦馳去馬有遺糞輒以水

灌之見逆旅賣食姬以七寶鞭與之曰後有騎

來可以此示也俄而追者至問姬姬曰去已遠

矣因以鞭示之五騎傳玩稽留遂久又見馬糞

冷信以爲遠不追帝僅而獲免二亭俱宋僧繇

細建遺址碑石俱存

宋御書閣 在縣後西能仁院宋盛時路當上

下衝要常有守臣臨之時頒太宗御製勅諭淳

祐三年石懋建閣懋自記

滴翠軒 緒山廣濟院塔左旁舊名檜軒有扁

云山谷讀書處卽山谷所書也今遺址存舊志

云在塔後又云改爲十女廟者俱非十女廟自在緒山非此地也

章許宅 在縣河之南築堂扁曰獨樂

張孝祥宅 在縣西南昇仙橋有歸去來堂

禁蛙池 昇仙橋西張孝祥築堂成鄰人江氏

以池內羣蛙鼓噪爲讓孝祥怒取硯投之應手

而絕今爲市垣矣

清輝閣 在承天院後宋建元廢

縣圃 舊有小道場稍東有德初堂直北有心

閒堂背負古城面對大池爲堂曰鵬鳧曰明遠

亭曰蘭波浮香塢奈月臺遠香洞蒸霞谷樂里

坡烟霞境水竹村俱元廢

雄觀亭 吉祥寺右山之巔名觀瀾亭西向吳

仁傑易以南面有記淳熙中張似重記張孝祥

書扁卽八景中雄觀江聲也今無存

吳波亭 在縣西瀕大江宋隆興二年建張孝

祥書扁卽八景吳波秋月也明初楊傑構宇爲

迎送之所後河水衝塌遺址遂廢

一覽亭 在緒山巔邑人張應南建趙崇珙有

記遺址尚存卽八景緒塔晴嵐也

志喜亭 在神山巔乾道七年秋縣令沈端節

禱雨李衛公祠感應建亭以東坡喜雨亭記中

語命名今廢其上爲三茅殿

清風樓 爲御史黃讓建在驛磯山之陽知縣

劉憲林世遠相繼修葺以東坡清風閣之舊額

命名大學士丘濬記近亦廢

角亭崇禎四年山陰王思任蒞權蕪關易今名
中江塔 在縣西河水入江處建於明萬曆工
未就

皇清康熙八年增建

赭山塔 在縣北赭山廣濟院後

普同塔 三座在縣西周家山六渡庵僧在瀛
募建

雙高堂 在蕪湖宋淳熙間知縣朱似重修

觀德亭 在蕪湖明末樂五年縣丞周宗溥重
修

繁昌縣

晉赭圻城 在縣西三十里延載鄉桓溫築

梁南陵廢縣 梁於赭圻置南陵縣陳廢

唐陳商宅 在馬仁山

王冲霄洗硯池 在馬仁山臨池洗硯至今池
水猶黑

南唐張瑁宅 在黃山下扁曰義居

董季翁宅 在董公山下

公孫捷宅 在公孫山麓舊有廟今廢

朱焦蹈宅 在獅子山麓地寬平有焦家里井

仙壇石室 在浮丘內有石几石案洞門有柱
杖迹浮丘仙人遺蹤也

縹緲臺 在舊縣後山巔下瞰大江前對濡須

茂林修竹隱映左右朱熙寧間易表裏江山元
廢

北園 在舊縣寶山元廢

寶香亭 在舊縣治東

極目亭 在治南俱廢

射亭 在縹緲臺側宋熙寧元年知縣蔡確建
後廢

擁翠亭 在舊縣治東

挹清堂 在舊縣北宋端平間知縣鄭良臣修

元俱廢

麗景樓 在舊縣北圃宋熙寧元年蔡確建後
廢

艤舟亭 在舊縣治西濱江元知縣韋繼遠建

久廢韋號雪江李習有雪江記

翠麓亭 在清隱院北元廢

洗心亭 在圓照寺今廢

柱維亭 在縣東一里亭成即遭雷擊今存其
址

觀多亭 在邑南金峨洞

官山塔 通邑文峯

陵墓附

本府 富塗縣附郭

三國吳景帝孫休陵 在縣東凌家山明崇禎
間有掘出者隨掩之舊志以爲在洞陽者非

齊和帝蕭寶融陵 在縣北黃山今嶽廟基是
也梁主蕭衍遣鄭伯禽摺殺之葬此

漢徐州牧陶謙墓 在丹陽鄉北

陶雍墓 在丹陽鄉北

陶超墓 在小朝山下碑陰云漢徵君墓

陶氏諸墓 自夏舍人山南有陶氏諸墓九十
九塚皆稱虛墳堆相傳疑塚也後制不臣內多

磚甃又有陶墓灘亦數十塚宋楊萬里云五代
陵阜相近志書不載故不得妄稱耳

三國吳交州刺史陶基墓 在橫山之麓地名
陶墓門宋淳祐間墓碑猶存

晉交州刺史陶璜墓 在縣東六十五里

太守陶回墓 在小朝山下與超同域有石門

二石獅六華表二守墳奴婢五戶

陶如海陶登二墓 俱在超域有碑陰云如海
道登父子相繼爲忠孝墓

陶景仁墓 在陶墓東七十里

大將軍桓溫墓 在縣南十五里青山北支尚
有石人石馬製極精巧

吏部畢卓墓 在郡南十里龍山

蜀太守毛瑑墓 瑑守蜀發檄討桓元部下焦
蹤襲殺之葬縣南七里尼山圩宋大明中遣祭

桓溫毛瑑墓

府君楊亮墓 在縣東十五里泊山南亮弘農
人楊震七世孫爲雍州刺史桓溫北伐亮仗策

來歸後從桓冲北伐亮拔五州進攻涪州冲爲
慕容垂所逼亮全軍而還及死瘞此地碑陰有

故蜀將吏五百人名宋知州楊俊移置郡學今
不存

殷仲文墓 在縣南十五里

梁南海太守陶黔墓 去縣六里

陶芳覽墓 在縣東十里

上柱國陶融墓 在縣東十里

陶敦墓 在縣東六十五里人代無考

唐供奉李白墓 在青山西北麓

賈島墓 字閻仙范陽人初爲僧韓愈更其服舉進士官水部郎中不樂進取客死葬當塗城南二里省莊圩鄭谷弔詩曰五字與八韻俱爲時所先幽魂應自慰李白墓相連

宋馬夫人墓 在縣南八里瑞柏院後

夏舍人墓 在縣東六十里夏舍人山下

少師陳規墓 在縣南姑孰鄉青山之北

編修李之儀墓 在縣東北十五里藏雲山女仙祠側

李左司墓

在縣東三十里薛店市

郡馬孫德昭墓 在博望鄉丁葛村尚主無考

德昭諡忠烈侯賜葬地曾孫應成進士

承直郎孫應墓 在甌山北之南村賜葬及祭田三十畝至今存

孫真人墓

在采石白鶴觀前左首松下今塚不存

元九女墩

在郡城北六里小神山下相傳兵亂一門九女不受賊汚相率溺於河塘里人哀其死合塚瘞之故名

張飛卿墓 飛卿元健將鎮采石死於陣葬翠螺山麓關帝廟前陳友諒亂後遂失所在

完顏權墓

在邑東凌家山

明孫富十墓 至正乙未明高帝渡江富十以行軍斷事翊運取太平卒于軍參謀李善長奏

聞賜城南周家山一區以葬

學士陶安墓 在郡治北五里喻家鋪神山洪

武元年卒於江西行省夫人喻氏于金陵先卒翰林學士宋濂撰墓誌銘及安沒後移櫬至姑孰合塚遣學士朱彥暉賜祭葬

右都御史李蕙墓 在馬鞍山成化間遣官督造賜祭二壇

右都御史端廷墓 在府城東北八里張塘嘉靖三十二年勅賜祭葬予祭二壇知府任有

齡治葬事

副都御史喻智墓 先葬喻家鋪長山後遷斗兒山嘉靖間諭葬賜祭二壇

右都御史倪嵩墓 在府城東十里牌萬曆間諭祭葬

大學士何如寵墓 桐城人江寧籍萬曆戊戌進士由翰林歷官光祿大夫柱國少師兼太子

太傅中極殿大學士吏部尚書贈太傅諡文端予祭九壇妻方氏封一品夫人予祭三壇諭合葬於太平府城東五十里歸善鄉之濮塘村

蕪湖縣

楚干將墓 在縣東北九十里赤鑄山

三國吳將軍周瑜墓 在城北周村鋪吳置守塚戶也而繁昌亦云有墓一統志又載其墓於

廬江賢者之死猶藉以爲榮固如是哉

晉王敦墓 在縣東北周村有大塚父老傳爲敦墓蓋敦嘗屯蕪湖病夢天降白犬嚙之俄卒葬於此

唐太史令李淳風墓 在江干半里許明洪武間知縣李行素渡江見一棺隨波而下令舟人

取視之上鐫字數行云唐朝李淳風洪武水來衝蕪湖李知縣載我過江東亟命載之至江岸高阜棺忽不動遂葬於此

宋金紫大夫石待問墓 皇祐二年卒葬縣南二十里丹陽鄉黃庭堅題其墓曰有宋賢良方正贈金紫光祿大夫九調而不悔自下廟上眉山石公之墓

太守石禹勸墓 在縣南二十里丹陽鄉黃庭堅題其墓曰宋臨川守秉直道不能詭隨陷冤獄終見昭雪石使君墓

宣義郎石天麟墓 與蠻人力戰而死詔贈宣義郎葬城南二十里丹陽鄉米芾書其墓曰宋故死節之士蕪湖石君墓

參軍陶居仁墓 元兵攻鎮江居仁死忠義大帥棺殮送回不時頃至家葬於邑東南二十里移風鄉白沙圩

獨樂居士韋許墓 在縣治前數十步居民室中久莫知所自然頗有靈異雖小兒亦不能犯之故其塚歷久自若今銓部韋弦佩其後裔也

尋究得實乃以價易其居通神道達大街

元十女墓 在縣東四十里德政鄉貞烈丁月娥率其家諸婦女死難不爲寇辱者

明副千戶萬通墓 父榮石城二都人以屢從征討功授管軍百戶守太平洪武初賜田三百餘畝在神山前子通嗣又以功陞藩陽左衛世襲副千戶三十六年卒賜葬神山

都御史杜智墓 在縣赭山之陰正統十二年

遣官諭祭營葬如制

繁昌縣

漢定遠侯班超妻墓 在縣東北四十里黑沙

洲有碑記

三國吳將軍周瑜墓 在十八都有周瑜墓里

將軍黃蓋墓 在十八都有渡近墓號黃墓渡

明都御史吳琛墓 在春穀鄉麟山下明成化

間遣官諭祭葬

都御史嚴升墓 在延載鄉祭酒陳敬宗撰誌

銘

欽定古今圖書集成方輿彙編職方典

第八百十六卷目錄

太平府部藝文一

夏日宴姑孰亭序

青山記

北園記

遊青山記

遊采石記

太平府部藝文二

遊青山

治宅

東田

望三湖

晚登三山還望京邑

汎蕪湖

至牛渚憶魏少英

慈姥磯

夕逗繁昌浦

詔問山中何所有賦詩以答

慈姥磯上竹

夜泊牛渚

夜泊牛渚懷古

丹陽湖

謝公宅

凌歊臺

望夫山

九日龍山飲

唐李白

宋郭祥正

蔡確

陸游

齊謝朓

前人

前人

前人

前人

梁元帝

王僧孺

何遜

劉孝綽

陶弘景

吳筠

唐孟浩然

李白

前人

前人

前人

前人

前人

望天門山

泊牛渚

望夫石

送羅少府歸牛渚

謫仙樓

凌歊臺

青山館

隱靜寺

靈山寺

湖陰詞

過蕪留詠

泊牛渚

蕪陰樓上

采石渡

蛾眉亭

望青山

天門山

橫山龍井

太平府部紀事

太平府部雜錄

太平府部外編

前人

劉禹錫

王建

賈島

白居易

許渾

前人

張祜

杜牧

溫庭筠

宋林逋

梅堯臣

蔡襄

郭祥正

元趙孟頫

明陶安

前人

楊體仁

職方典第八百十六卷

太平府部藝文一

夏日宴姑孰亭序

唐李白

通驛公館南有水亭焉四薨翬飛巉絕浦嶼蓋有前攝令河東薛公棟而宇之今宰隴西李公明化開物成務又橫其梁而閣之晝鳴閒琴夕酌清月蓋為接輅軒祖遠客之佳境也製置既久莫知何名司馬武公長材博古獨映方外因據胡牀岸幘嘯詠而謂前長史李公及諸公曰此亭跨姑熟之水可稱為姑熟亭焉嘉名勝概自我作也且夫曹官絳冕者大賢處之若游青山臥白雲逍遙偃傲何適不可小才居之窘而自拘悄若桎梏則清風朗月河英嶽秀皆為棄物安得稱焉所以司馬南鄰當文章之旗鼓翰林客卿揮辭鋒以戰勝名教樂地無非得俊之場也千載一時言詩紀志

青山記

宋郭祥正

當塗有山曰青山又曰謝公山齊謝元暉守宣城時建別宅于此山而每往遊焉廢地遺址隱隱尚存左丹湖右長江穹窿盤礴延數十里為當途諸山之表山之東南修松夾徑而上幾二百丈依岸立屋曰巢雲亭亭之陰甃甃為磴道又十餘丈三門翼然臨於亭上曰白雲之院院之中亭有石窟潭泉深三十尺色若粉乳而味甘益茶歲或大旱不竭因窟壘石為方池跨池為飛橋以登於殿殿之北為堂環以廊廡東為齋羞之廚西為待賓之所堂之北為檻面圃植金沙酴醾延蔓而為洞佳花美竹交幹而成林當濤明花敷之時遊人無日不來雖太守亦有時而至也

由巢雲而望則春空晴明千里一碧良田沃壤高下而相連長溪深溝回旋而交映行人往來飛鳥出沒蓋不可以目力窮也而或雲煙晦冥雷雨震作隱戶之下咫尺莫辨居僧恬然見以爲常則院據山之高處槩可知矣始謂南峯院載於圖經而無碑志可以考其建置之迹嘉祐中改賜今額我先君金紫當祥符間爲進士結友習課於南峯者久之吾母同安郡太夫人張氏又家於此山之下予晚仕於朝或進或退數過是院登高遠望而思我先君之遺風思無可得者敝椽破瓦不蔽風雨未嘗不感慨太息而去至熙寧中有僧希仁始來住持未果興構遽卒弟子懷式者繼之式有才略不求于人而求于己一金而積積至數千萬緡歷二十餘年而所謂殿堂廊廡三門池亭之屋一切新之又召良匠塑佛菩薩侍衛凡九軀金碧煥耀冠纓飛動爲一山之鎮焉嗚呼盛哉蓋院之廢興繫乎主者之才否抑亦有其時耶宋受天命神聖繼位皆以仁治天下好生而惡殺戢兵而惠民是以時和歲豐民阜於財而浮屠氏求取於民者無厭然民亦喜爲之施也於是列刹相望爭以侈大爲勝事若式師則不然因山而爲屋因泉而爲池壯而不僭朴而不陋聚景物之佳趣資衣冠之盛遊其興作之費一出於己而不求於人也得不謂之才乎浮屠氏聞式師之風亦可以愧矣予故爲之敘其事刻於碑使後之人有以考焉

北園記

蔡確

余來官之明年因暇日視其舍後有廢地連跨山阪叢榛蘿蔓殆不可入余疑其去薨雷之下不能百步

而蕪蒨如此未以爲奇也然不得不治于是糞壤既撤惡草木既盡而形勢高下相映抱有巨松數株修竹萬竿蕭然自一佳處也余心甚樂之乃闢小徑直穿竹間竹之後益植美花榘果厠以梧柏被以蘭莎花之後又與竹會而建翠雲亭於其中亭之後卽有高嶺以爲縹緲臺而立射亭與埒於竹林之外而總其名曰北園然予所以樂者非特園中之勝也四向而望焉其東南則公孫覆釜諸峰連延以爲之屏其西北益峻則臨大江俯孤竹以對濡須之津坐于亭上而百餘里之物象歷歷在其目中其爲境也蟠蓄秀蔚而又有曠遠無窮之致此余所以爲樂也治事之隙則與友生抱書攜几而往焉於此笑傲觴咏使視聽不得役役於簿書牒訟之煩而歲時嘉節又得與邑人共之入之遊者往往徘徊而不能去余將罷官一日至其間客有謂予曰自司馬晉時卽有此縣雖廢置不常然閱士君子蓋已多矣江東之奇遊異觀雖號爲饒若此境者豈易得哉顧非深山幽谷之阻而臺榭登覽之迹不少掛昔人之翰墨而祇見辱於樵芻良可怪也豈其地之偶不偶亦有數邪君之來也旣搜剔經營以發景物之堙鬱今且行矣乃默無文詞以遺來者使得考其所自則于義尙爲缺也余曰諾遂書以刻石熙寧元年十二月十五日記

遊青山記

陸游

十七日羣集於青山李太白祠堂祠在青山之西北距山尚十五里墓在祠後有小岡阜起伏蓋亦青山之別支也祠莫知其始有唐劉全白所作墓碣及近歲張真甫舍人所作重修祠碑早飯罷遊青山山南

小市有謝元暉故宅基南望平野極目而環宅皆流泉奇石青林文篠真佳處也遂由宅後登山路極險巖凡三四里又里許至一庵老道人出迎年七十餘姓周濰州人居此山三十年顧頰如丹鬚鬢無白者又有李媼八十矣耳目聰明談笑不衰自言嘗得異人祕訣庵前有小池曰謝公池水味甘冷雖盛暑不竭絕頂又有小亭亦名謝公亭亭下視四山如蛟龍奔走爭赴山谷絕類吾鄉舜山但舜山之巔豐沃平曠無異坦陸此所不及也亭北望正對歷陽周生言完顏亮臨江時戰鼓之聲震于山中云夜歸舟次已一鼓盡矣坐問信伯言桓溫墓亦在近郊有石獸石馬制作精妙又有碑悉刻當時車馬衣冠之類極可觀恨不一到也

遊采石記

前人

十一日早出夾行大江過三山磯烈洲慈姥磯采石鎮泊太平州江口謝元暉登三山還望京邑李太白登三山望金陵皆有詩凡山臨江皆曰磯水湍急篙工併力撐之乃能上然今年閏餘秋早水落已數尺矣則盛夏可知也三山自石頭及鳳凰臺望之杳杳有無中爾及過其下則距金陵纔五十餘里晉伐吳王濬舟師過三山王渾要濬議事濬舉帆曰風利不得泊卽此地也是日便風擊鼓掛帆而行有大舟東下者阻風泊浦渚見之大怒頓足詬罵不已舟人不答但撫掌大笑鳴鼓愈厲作得意之狀江行淹速常也得風者矜而阻風者怒可謂兩失之矣世事蓋多類此者記之以寓一笑烈洲在江中上有小山曰烈山草木極茂密有神祠在山巔慈姥磯磯之尤巉絕

峭立者徐師川有慈姥磯詩序云磯與望夫石相望正可謂的對而詩人未嘗掛齒牙故其詩云離鸞只說閨中恨祇憤誰知目下情然梅聖俞護母喪歸宛陵發長蘆江口詩云南國山川都不改傷心慈姥舊時磯師川偶忘之耳聖俞又有過慈姥磯下及慈姥山石崖上竹鞭詩極高奇與此山稱采石一名牛渚與和洲對岸江面比瓜洲爲狹故隋韓擒虎平陳及本朝曹彬下南唐皆自此渡然微風輒浪作不可行劉賓客云蘆華晚風起秋江鱗甲生王文公云一風微吹萬舟阻皆謂此磯也磯卽南唐樊若水獻策作浮梁渡王師處初若水不得志於李氏詐祝髮爲僧廬於采石山鑿石爲竅及建石浮圖又月明繫繩於浮圖棹小舟急渡引繩至江北以度江面既習知不謬卽亡走京師上書其後王師南渡浮梁果不差尺寸予按隋煬帝征遼蓋嘗用此策渡遼水造三浮橋於西岸既成引趨東岸橋短丈餘不合隋兵赴水接戰高麗乘岸上擊之麥鐵杖戰死始斂兵引橋復就西岸而更命何稠接橋二日而成遂以濟然隋終不能成平高麗國朝遂下南唐者實天意也若水何力之有方若水之北走也江南皆知其獻南征策或請誅其母妻李煜不敢但羈置池州而已其後若水自陳母妻在江南朝廷命煜護送煜雖憤切終不敢違厚遺而遣之若水所鑿石竅及浮圖皆不毀王師卒用以繫浮梁則李氏君臣之暗且怠亦可知矣雖微若水有不亡者乎張文潛作平江南議謂當縛若水送李煜使甘心焉不然正其叛主罪而誅之以示天下豈不偉哉潛此說實天下正論也

太平府部藝文二詩

遊青山

齊謝朓

託養因支離乘閒逐疲蹇語默良未尋得喪云誰辯幸蒞山水都復值清冬緬凌厓必千仞尋壑將萬轉堅崑既峻嶒迴流復宛澶杳杳雲實深淵淵石瀏淺傍眺鬱鬱繁還望森枏樾荒陳被葳莎崩壁帶苔蘚踞狖叫層嵒鳴鸞戲沙衍觸賞聊自觀卽趣咸已展經目惜所遇前路欣方踐無言蕙草歇畱垣芳可奉尚于時未歸邴生思自免末志昔所歛勝迹今能選寄言賞心客得性良爲善

治宅

前人

結宇夕陰街荒幽橫九曲迢遞南川陽迤邐西山足闢館臨秋風敞窻望寒旭風破池中荷霜剪江南菜既無東都金且稅東臯粟

東田

前人

戚戚苦無懷攜手共行樂尋雲陟累榭隨山望菌閣遠樹愛阡阡生烟紛漠漠魚戲新荷動鳥散餘花落不對芳春酒還望青山郭

望三湖

前人

積水照頰霞高臺望歸翼平原周遠近連汀見紆直歲暮向春秀芸黃共秋色薄暮傷佳人嬋娟復何極

晚登三山還望京邑

前人

瀚埃望長安河陽視京縣白日麗飛甍參差皆可見餘霞散成綺澄江靜如練喧鳥覆春洲禰英滿芳甸去矣方滯淫懷哉罷歡宴佳期悵何許淚下如流霰有情知望鄉誰能賢不變

汎蕪湖

梁元帝

桂潭連菊岸桃李映成蹊石文如濯錦雲飛似散珪橈度菱根反船來荇葉低颿隨迎雨燕鼓逐伺潮鷄

至牛渚憶魏少英

王僧孺

楓林暖似畫沙岸淨如掃空籠望懸石圓斜見危島綠草閒遊蜂青葢集輕鴉徘徊洞初月浸淫漬春潦非願歲物華徒用風光好

慈姥磯

何遜

暮烟起遙岸斜日照安流一同心賞夕暫解去鄉憂野岸平沙合連山遠霧浮客悲不自已江上望歸舟

夕逗繁昌浦

劉孝綽

日入江風靜安波似未流岸迴知舳舻轉解纜覺船浮暮煙生遠渚夕鳥赴前洲隔山聞戍鼓傍浦喧棹謳疑是辰陽宿於此逗孤舟

詔問山中何所有賦詩以答

陶弘景

山中何所有嶺上多白雲只可自怡悅不堪持贈君

慈姥磯上竹

吳均

根爲石所蟠枝爲風所碎賴我有貞心終凌細草華

夜泊牛渚

唐孟浩然

星羅牛渚夕風退鷁舟遲浦激常同宿烟波忽問之棹歌空裏失船火望中疑明發從滄海茫茫何處期

夜泊牛渚懷古

李白

牛渚西江夜青天無片雲登舟望秋月空憶謝將軍余亦能高詠斯人不可聞明朝掛帆席楓葉落紛紛

丹陽湖

前人

湖與元氣通風波浩難止天外賈客歸雲間片帆起龜遊蓮葉上鳥宿蘆花裏少女掉舟歸歌聲逐流水

謝公宅

前人

青山日將暝寂寞謝公宅竹裏無人聲池中虛月白
荒庭衰草徧廢井蒼苔積唯有清風閒時時起泉石

凌歊臺在當塗黃山上宋武帝南遊建離宮

前人

曠望登古臺臺高極人目疊嶂列遠空閒花雜平陸
白雲入牕牖野翠生松竹欲覽碑上文苔侵豈堪讀

望夫山在當塗

前人

願望臨碧空怨情感離別芳草不知愁巖花但爭發
雲山萬重隔音信千里絕春去秋復來相思幾時歇

九日龍山飲

前人

九日龍山飲黃花笑逐臣醉看風落帽舞愛月留人

望天門山

前人

天門中斷楚江開碧水東流至北迴兩岸青山相對
出孤帆一片日邊來

泊牛渚

劉禹錫

蘆葦晚風起秋江鱗甲生殘霞忽改色遠鴈有餘聲
戍鼓音響絕漁家燈火明無人能詠史獨自月中行

望夫石

王建

望夫處江悠悠化為石不回頭山頭日日風和雨行
人歸來石欲語

送羅少府歸牛渚

賈島

作尉長安始三日忽思牛渚夢天臺楚山遠色獨歸
去灞水空流相送回霜覆鶴聲松子落月分螢影石
房開白雲多處應頻到寒澗冷冷漱古苔

謫仙樓

白居易

采石江邊李白墳遶田無限草連雲可憐荒塚窮泉
骨曾有驚天動地文但是詩人多薄命就中淪落不
過君渚蘋蕩藻猶堪薦大雅遺風已不聞

凌歊臺

許渾

宋祖凌歊樂未回三千歌舞宿層臺湘潭雲盡曉山
出巴峽雪消春水來行殿有基荒薺合寢園無主野
棠開百年便作萬年計岩畔古碑生綠苔

青山館

前人

昔人詩酒地芳草思王孫曰水平塘岸青山橫郭門
懸崖碑已折盤古井猶存無處繼行樂野花空一樽

隱靜寺

張祜

松徑上登攀竹深煙靄間合流廚下水對聳殿前山
澗壑鳥聲迴泉源僧步閒更憐飛一錫天外與雲還

靈山寺

杜牧

西岩一徑不通樵八十持盃未覺遙龍在石潭聞夜
雨雁移沙渚見秋潮經函露濕文多暗香印風吹字
半消應笑南來又東去越山無路水迢迢

湖陰詞

溫庭筠

祖龍黃鬚珊瑚鞭鐵騎金面青連錢虎髯拔劍欲成
夢日壓賊管如血鮮海旂風急驚眠起甲重光搖照
湖水蒼皇追騎塵外歸森索妖星陣前死五陵草碧
春萋萋灞川玉馬空中嘶羽書如電入青瑣雪腕如
槌摧畫鞞白虬天子金煌鉞高臨帝座迴龍章吳波
不動楚山晚花壓欄杆春晝長

過蕪湖詠

宋林逋

詩中長愛杜池州說著蕪湖是勝遊山掩縣城當北
起渡冲官道向南流風消檣碇網初下雨擺魚薪市
未收更好二三僧院舍松衣石髮鬬僧幽

泊牛渚

梅堯臣

落帆牛渚前便爲牛渚宿波搖殘照中采翠浮巖谷

岩谷足幽篁石上羅寒玉裁作媧氏笙堪吹鳳凰曲
楚客夕無眠獨將清韻續更看江月來還想然犀燭

蕪陰樓上

蔡襄

野馬沈寒氣神禽度暖風斷霞天共紫斜日樹齊紅
山口橫虛釣江隈跋遠蓬解窮千里目爭奈思無窮

采石渡

郭祥正

采石渡頭風浪惡九道驚濤注山脚金牛出沒人不
知翠壁巉坼險如削上有藤蘿幕霧張羽蓋下有洞
窟崩漸震天樂水神開府定歲年犀燭朱衣馬爭躍
我來覽古憑陽春高吟未遇謝將軍騎鯨捉月去不
返空餘綠草翰林墳風期亢爽非今古冥冥神交兩
相許倒提金斗傾濁醪滴瀝招魂寂無語斜陽銜山
暝潮退兩兩漁舟迷向背便欲因之垂釣竿六熬一
擲天門外

蛾眉亭

元趙孟頫

天門日湧大江來牛渚風生萬壑哀青眼故人攜酒
共兩眉今日爲君開蒼崖直下蛟龍吼白浪橫空鵝
鶴迴南眺青山懷李白沙頭官渡喜相催

望青山

明陶安

三峯江外出千里夢中來神秀還如昨飄零獨可哀
田園先業在杖履幾時回斜日孤帆遠相思倚鳳臺

天門山

前人

石壁脫局鑰倚空雙觀臺江流關不住閭闔豁然開
雲表羣仙望舟中獨客回欲揮千丈筆題鳳記會來

橫山龍井

楊體仁

松根石欄空剝落古甃苔深林影薄一泓寒碧湛渟
滌神物何年露頭角黑雲壓山山欲平夜半忽聞風

雷爭明朝山下新雨足野老扶犁歌太平

太平府部紀事

府志魯襄公三年楚子重伐吳克鳩茲至於衡山使鄧廖帥組甲三百被練三千以侵吳吳人要而擊之獲鄧廖

昭公五年楚子以諸侯及東國伐吳聞吳師出遠啓疆帥師從之吳人敗諸鵲岸楚子以驛至於羅汭沈尹赤會楚子次於萊山

漢獻帝興平初孫策攻劉繇牛渚營盡得邸閣糧穀戰具時薛禮據秣陵城笮融屯縣南策皆擊破之轉攻湖熟江乘皆下之策攻笮融融爲流矢所中自輿還牛渚營策以融所屯地勢險固乃捨去

建安三年太史慈遁於蕪湖山中自稱丹陽太守進至涇縣大爲山越所附策討慈於勇里禽之

三國吳黃武二年高祖領丹陽太守自建業徙治蕪湖

孫桓以功拜建武將軍下鎮牛渚作橫江塢孫瑜領丹陽太守自溧陽徙屯牛渚招納廬江二郡各得降附

晉武帝太康元年王渾南下吳使張悌等逆戰於牛渚沈瑩曰宜蓄力待其來若幸勝之江南自靖今渡江不幸敗大事去矣悌濟江與周浚戰敗

惠帝太安初石冰攻揚州周玘密欲討冰陳敏率衆助玘斬冰別帥趙鸞於蕪湖因與玘俱前攻冰於建業冰之黨司馬張統斬冰以降

明帝太寧元年王敦移鎮姑熟屯于湖二年敦將舉兵內向帝知之乘巴滇駿馬微行至于湖陰察敦營壘

成帝咸和三年蘇峻濟自江登牛渚至蔣陵陶回謂庾亮曰峻必向小丹陽南道步來宜大兵邀之亮不從後乃悔之

四年三月庾亮爲豫州刺史鎮蕪湖十二月後將軍郭默據隘口以叛庾亮率將軍路永毛寶趙引步騎二萬會太尉陶侃俱討破之亮還蕪湖

宋孝武帝孝建元年南郡王義宣與臧質反孝武遣王元謨師據梁山東西附岸爲偃月壘質去元謨一里分遣垣護之綽兵出壘大敗質軍縱火延燒義宣營壘殆盡義宣質單舸走柳元景次采石進據南州

垣護之水軍先發賊遣將龐法起率衆襲姑孰適值垣護之至奮擊大破之

明帝泰始元年晉安王子勛反二年建安王休仁督諸軍軍於南州殷孝祖督諸軍向虎檻子勛遣陶亮統二萬俱下亮聞休仁自上孝祖又至不敢進屯軍

鵲州鄧琬遣孫冲之帥薛常寶等據赭圻衆軍水陸並進攻之沈攸之帥諸軍圍赭圻斷其糧餉常寶等惶懼開城突圍走攸之拔赭圻諸軍與鄧琬相據濃

湖久未決張興世曰若以奇兵潛出其上因險而壁此制賊之奇也帥輕舸五百泝流舉帆直前過鵲尾徑趨錢溪立寨既據錢溪濃湖乏食袁顗懼曰賊入人心肝裏何由得生劉胡陰謀遁去顗亦走鵲頭齊和帝中興元年蕭衍自軍至蕪湖申胄棄姑熟走衍進軍據之進屯江寧

梁武帝太清二年侯景反羊侃請以二千人急據采石令邵陵王襲取壽春使景不得前退失巢窟自然瓦解朱异謂景未敢便逼都遂寢其策景自采石臨江詔邵陵王綸討景景自橫江渡於采石

梁元帝承聖元年王僧辯陳霸先發鵲頭至蕪湖侯景守將走侯子鑑據姑孰南州以拒西師僧辯合戰子鑑大敗霸先立柵石頭景衆大潰

侯景初叛歷陽太守莊鐵以城降因說景曰國家承平歲久人不習戰宜乘其震駭速趨建康可兵不血刃而成大功若使朝廷徐得爲備遣羸兵千人直據采石大王雖精甲百萬不得濟矣

陳末定元年齊兵發蕪湖入丹陽至秣陵故治霸先遣周文育屯方山徐度頓馬牧杜陵頓大航南以禦之徐嗣徽留船蕪湖自丹陽步上霸先拒嗣徽於白

城殺數百人侯安都與嗣徽等戰耕壇南破之齊蕭軌等與徐約徐嗣徽合兵向梁山陳霸先遣沈太就侯安都共據梁山禦之安都輕兵襲齊司馬恭於歷陽大破之

文帝天嘉元年王琳至柵口侯瑱督諸軍出蕪湖相持百餘日東圍水漲舟楫得通琳引合肥巢湖之衆舳舻相次高下侯瑒進軍虎檻洲琳亦出艦列於江

西隔洲而泊明日合戰琳軍却退保西岸及夕東北風起吹其舟艦竝壞王琳帥舟東下去蕪湖十餘里時西南風急琳自謂獲天助引兵直趨建康侯瑱等徐出蕪湖躡其後西南風翻為瑱用琳擲火炬燒陳船皆反燒其船琳軍大敗

隋文帝開皇九年正月韓擒虎將五百人自橫江宵濟采石守者皆醉遂克之擒虎自新林進軍任忠帥數騎迎降於瓦子岡

唐高祖武德六年輔公祏反丹陽詔趙郡王孝恭李靖李世勣討之

七年二月孝恭攻鵲頭鎮拔之三月破公祏於蕪湖拔梁山三鎮公祏遣馬慧亮等屯博望青林諸將曰不如直指丹陽李靖曰丹陽不下慧亮等躡吾後此危道也先攻博望青林兩戍皆遣兵至丹陽公祏大懼棄城走

宋樊知古字仲師京兆人唐末父潛為石塘令因家焉知古幼聰敏徧讀經史長通陰陽圖緯風雲地理之學尤好談縱橫從郡人夏乾錫學問請曰四方糜潰奚策可以開濟乾錫曰子年少當自謹為文取科第養親天下大事未易言知古毅然曰大丈夫當杖策求真主立功名安能作儒生伎倆耶乾錫器之曰子且留此學成擇主事之未晚也知古遂留數年辭去屢舉江南進士不第上書言利害後主李煜不省遂與所善江正謀歸中原進平江南之策正詭削髮為浮屠事清涼寺主僧以得幸於煜嗣主以其教號小長老講經設法眩煜視聽怠其守禦之志就牛頭山起僧房數百間知古徙家當塗之江濱偽為漁者

晝則垂綸餌於采石磯上遇月夜以小船載絲繩維南岸疾棹至北岸量度江面廣狹凡數十往返遂得其丈尺又俾僧卓庵磯下草衣藿食以動煜之聽亦得幸即累石為浮圖穴石通江布置略定知古遂北詣闕自言有策可取江南太祖賜對察其可用命試學士院授舒州推官用其策即遣石全振往荆湖造黃黑龍舟數千艘將為濟師用先試於上流之石牌忽輾集采石磯布船為浮梁纜繫於塔穴三日浮梁成不差尺寸王師過之如履平地遂屯牛頭之僧房進圍金陵破城俘煜時開寶七年十月也曹彬克池州即奏知古為贊善大夫知池州

元世祖至元間新定江南郝經請置戍邏於采石抱三江之襟要潰江淮之腹心

明太祖率眾渡江舳艫齊發達牛渚太祖先抵采石磯元兵陣於磯上常遇春先登諸軍從之元兵敗走遂拔采石

太平府部雜錄

世說桓宣武移鎮南州制街衢平直人謂王東亭曰丞相初營建康制置紆曲方此為劣東亭曰江左地促不如中國若使阡陌條鬯則一覽而盡故紆徐委曲若不可測

府志范康父汪守吳興嘗省桓溫時汪族高望重溫虛心景慕謂卿超曰范公來不當作太常卿及至溫深謝來情而汪懼損時望但曰兒亡瘞此故來省視無他也溫大失望亡兒即康也按汪長子寧本傳曰

晚家丹陽而次子康又葬於此舊志不載失考也寧今已入流寓康可軼而不傳也

十字圩民趙姓者乃普後白紵山麓有呂姓乃蒙正後雖各凋謝猶各藏二公遺像告身於家蓋從南渡過江流寓此者

王荆公曰采石山下白蟹實東南之奇味今時有之而人不省惟武山團臍日取數百足壯糟丘也

讎塘在黃池廣教寺後近稱稠塘相傳為漆提舉宅為勢家所陷而族滿其地土人以其死於讎也目之曰讎塘嘉靖間有避倭蘆葦中者被殺數十人天暑汜爛臭達遠近遂訛其名曰臭塘讎臭音相近也蓮藕甚佳舊充貢後裁去

魏朗字少游漢八俊之一黨錮急沉於牛渚人知采石有李白之事而不知魏朗之在其先也明進士邑人謝理作賦弔之

當塗縣志吳大帝孫權嘉禾七年諸葛恪建議出降山越之窮遠者外縣不得嫌疑有所執拘曰陽長胡伉縛送降民周遺恪以伉違教遂斬以徇按曰陽既置長必縣也地必在丹陽郡而今無所考

筆蘆星竹生青山李白墓陶安詩云鳳管龍笙遺韻律筆蘆星竹借文章自注云墓上產蘆如筆有竹散點如星

文官花在范學士常賜宅有花朝紅次紫暮碧名曰文官誇艷一時陶安詩曰如何顏色都更換別有工夫染得成

蕪湖縣志齊武帝永明八年省三縣并於湖南齊書州郡志載此文於于湖縣下其三縣建置地域俱無

侵我明日當戰絳綃者我也黑綃者鄭也其子因射中黑綃者敗去隋開皇間路斯爲宣城令大興水利今云路西湖謠也

太平府部外編

府志王敦枉害刁元敦還姑孰白日見元乘車導從吏卒來仰頭瞑目乃入攝敦敦大怖逃不得脫數日死

桓大司馬從南州拜簡文帝陵左右覺其有異既登車還謂從者曰適明見先帝不述其故人莫知者但見將拜時頻言臣不敢而已桓又問左右殷涓形貌答言涓短肥黑色桓曰涓今在帝側蓋溫以人言殺涓未見其面也歸卽遇疾薨

淮南陳氏于田中種豆忽二女子著紫纈襦青裙天雨而衣不濕入其家求茶壁上先懸有銅鏡鏡中見之乃二鹿也遂以刀砍獲之爲脯

雙廟一在當塗久廢一在蕪湖城北卽今雙忠廟也異苑曰晉袁雙眞第四子桓溫誅眞雙忽不見於時郡多虎患被害之家皆夢雙求立廟思乃息以二月晦日祀之其日必有風雨居人丘都方寔畢於廟後方石上見一鼉葛巾人面有酒氣

潁人張路斯龍也一日語其子九人曰夢人鄭祥遠